

Broj: SU-02-1064/19
Sarajevo, 28. novembar 2019. godine

Broj: 01-6297/19
Tuzla, 28.11.2019.godine

Potpisnici ovog Sporazuma izražavaju želju i interes da uspostave blisku suradnju u organizovanju, podsticanju i unapređenju naučnoistraživačkog rada u oblastima pravnih nauka i prakse, te su se saglasili o međusobnoj saradnji u namjeri postizanja ciljeva definisanih Sporazumom.

SPORAZUM O SARADNJI

I

Ustavni sud Bosne i Hercegovine i Pravni fakultet Univerziteta u Tuzla, u cilju stručnog i praktičnog usavršavanja studenata Pravnog fakulteta u Tuzli, ovim sporazumom uređuju način i uslove obavljanja navedenog usavršavanja.

II

Praktično upoznavanje studenata Pravnog fakulteta u Tuzli sa organizacijom i radom Ustavnog suda Bosne i Hercegovine će se obavljati na način da će podsticati izvršavanje nastavnog plana i programa Fakulteta i da će biti usklađen sa redovnim obavezama studenata.

Ciklus obavljanja stručnog i praktičnog usavršavanja studenata Pravnog fakulteta na Ustavnom sudu Bosne i Hercegovine, će se organizovati više puta u toku akademske godine, zavisno od rasporeda nastavnih i ispitnih aktivnosti studenata i opterećenosti sudija Ustavnog suda radom na konkretnim predmetima i drugim redovnim poslovima na Ustavnom sudu.

Dekan Pravnog fakulteta i predsjednik Ustavnog suda će se periodično dogovarati o organizovanju ciklusa usavršavanja studenata, nastojeći pri tome da se u okviru realnih mogućnosti organizacije i rada Ustavnog suda što veći broj studenata upozna sa radom na Ustavnom sudu i rješavanju pravnih pitanja koja su nadležnosti Suda.

III

Pojedinom ciklusu i praktičnom usavršavanju će prisustvovati potrební broj studenata koji će biti prilagođen realnim potrebama i mogućnostima potpisnika ovog sporazuma.

IV

1. Za svaku pojedinu grupu studenata utvrdiće se program rada, zavisno od trenutnih aktivnosti na Sudu, a koji će sadržavati: uvodno izlaganje predsjednika suda o organizaciji sudske vlasti u Bosni i Hercegovini, unutrašnjoj organizaciji i nadležnosti suda, radom sudskih vijeća, upoznavanje studenata sa radom sudija na pripremi pojedinih predmeta za sjednice vijeća, način izrade sudskih odluka i sl.
2. Organizovati posjetu i predavanje predstavnika Ustavnog suda na Pravnom fakultetu, na odgovarajuće tema, između ostalog i u smislu da se predstavi konkretan slučaj iz prakse Suda i sl.
3. Po mogućnosti, studentima će se omogućiti i drugi vidovi prakse.

V

Konkretni sadržaji i vidovi saradnje, u skladu sa ovim Sporazuma, a posebno realizacija dogovorenih programa uskladiće se sa aktivnostima na Pravnom fakultetu i Ustavnom sudu.

VI

Ovaj Sporazum je zaključen na neodređeno vrijeme, a može se mijenjati uz saglasnost potpisnika.

Sporazum se smatra zaključenim danom potpisivanja od strane ovlaštenih predstavnika potpisnika Sporazuma, a stupa na snagu danom potpisivanja.

Ovaj Sporazum je sačinjen u četiri (4) istovjetna primjerka, po dva (2) za svaku stranu Sporazuma, a stupa na snagu danom potpisivanja obje strane Sporazuma.

ZA Ustavni sud Bosne i Hercegovine

Predsjednik

Zlatko M. Knežević



ZA Pravni fakultet

Dekan

dr.sc. Dževad Mahmutović, vanr.prof

